

Broj: 01-08-08/2-11-3-1232/24
Sarajevo, 30-08 .2024. godine

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine Federacije BiH, broj 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH, broj 39/14, 59/22 i 50/24), federalni ministar unutrašnjih poslova **d o n o s i**

ODLUKU

o dodjeli okvirnog sporazuma za nabavku prehrambenih artikala i napitaka u toku 2025. godine putem otvorenog postupka

I

Na osnovu člana 64. stav (1) tačka b) i člana 69. stav (1) tačka a) i člana 70. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) i na osnovu Odluke o pokretanju postupka javne nabavke prehrambenih artikala i napitaka u toku 2025. godine putem otvorenog postupka, broj: 01-06-06/3-11-3-1232/24 od 01.07.2024. godine, objavljene Obavještenjem o nabavci broj: 405-1-1-161-3-61/24 u "Službenom glasniku BiH" broj 48/24 od 12.07.2024. godine, dodjeljuje se Okvirni sporazum za nabavku prehrambenih artikala i napitaka u toku 2025. godine putem otvorenog postupka.

II

Okvirni sporazum za nabavku prehrambenih artikala i napitaka u toku 2025. godine putem otvorenog postupka dodjeljuje se ponuđaču "GOLD MIGNON" d.o.o. Sarajevo, koji je dostavio najnižu cijenu ponude u iznosu od 234.000,00 KM bez PDV-a i koji ispunjava sve uvjete predviđene tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova – Federalnog ministarstva unutarnjih poslova, da shodno Zakonu o javnim nabavkama BiH, pripremi sve potrebne akte za sklapanje Okvirnog sporazuma za nabavku prehrambenih artikala i napitaka u toku 2025. godine putem otvorenog postupka sa ponuđačem "GOLD MIGNON" d.o.o. Sarajevo.



Obrazloženje

Komisija za provođenje postupka javne nabavke prehrambenih artikala i napitaka u toku 2025. godine putem otvorenog postupka formirana Rješenjem federalnog ministra unutrašnjih poslova, broj: 01-08-08/2-11-3-1232/24 od 15.08.2024. godine, na osnovu Odluke o pokretanju postupka javne nabavke prehrambenih artikala i napitaka u toku 2025. godine putem otvorenog postupka, provela je postupak za dostavu ponuda za nabavku prehrambenih artikala i napitaka u toku 2025. godine, objavljenom Obavještenjem o nabavci, broj: 405-1-1-161-3-61/24 u "Službenom glasniku BiH" broj 48/24.

Komisija je izvršila razmatranje, analizu i ocjenu blagovremeno prispjelih ponuda ponuđača i utvrdila da ponude ponuđača "Lala i Laćo" d.o.o. Bijeljina, "Vinojug" d.o.o. Sarajevo i "Gold Mignon" d.o.o. Sarajevo ispunjavaju uslove iz Tenderske dokumentacije.

S obzirom na to da je Tenderskom dokumentacijom, a u skladu sa Obavještenjem o nabavci, broj: 405-1-1-161-3-61/24 od 12.07.2024. godine, predviđeno provođenje e-aukcije ista je održana dana 26.08.2024. godine sa početkom u 10.00 sati. Nakon završetka e-aukcije, Komisija je utvrdila konačnu rang listu ponuđača koji su učestvovali na e-aukciji, i to kako slijedi:

1. Ponuđač "GOLD MIGNON" d.o.o. Sarajevo sa ukupno ponuđenom cijenom u iznosu od 234.000,00 KM bez PDV-a.
2. Ponuđač "VINOJUG" d.o.o. Sarajevo sa ukupno ponuđenom cijenom u iznosu od 234.999,99 KM bez PDV-a.
3. Ponuđač "LALA I LAĆO" d.o.o. Bijeljina sa ukupno ponuđenom cijenom u iznosu od 396.155,60 KM bez PDV-a.

S obzirom na to da je kriterij za dodjelu Okvirnog sporazuma najniža cijena, Komisija je sačinila Izvještaj sa prijedlogom federalnom ministru unutrašnjih poslova za sklapanje Okvirnog sporazuma sa ponuđačem "Gold Mignon" d.o.o. Sarajevo u skladu sa članom 64. stav (1) tačka b) i članom 70. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24).

Shodno navedenom, a vođen Izvještajem o radu Komisije i preporukom o dodjeli Okvirnog sporazuma, Ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke može se putem Ugovornog organa izjaviti žalba Uredu za razmatranje žalbi BiH, u pisanoj formi u roku od 10 (deset) dana od dana prijema iste. Žalba se podnosi u dovoljnom broju primjeraka, a koji ne može biti manji od tri primjerka.



Dostaviti:

1. Ponuđačima,
2. Sektoru za mat-fin poslove F MUP-a,
3. Kabinetu ministra – Odsjek za odnose sa javnošću (za potrebe objave na internetskoj stranici F MUP-a – Ugovornog organa),
4. U spis,
5. a/a.



KD/MH

FMUP-ODL

Sarajevo, M. Spahe 7, tel.: (00387 33) 280-020, lok.: 3110 / fax: (00387 33) 590-217 / www.fmup.gov.ba

